


تاریخ وادستان

۱۳۳۶ هـ



بىكون بىلنير قىمتى مجموعه مك اما
پك چوق آرا لير اورته ده مجموعه بولنيز

ايتدك شرف خدمت اجدادى وراموش
آثارنه اسلافرك رغبت اولنيز

وترغیبی حاوی دهها برچوق منظومه‌لرینی انشاءالله مجموعه‌ده نشر
ایده‌جکیز .

رحمة الله عليه رحمة واسعة

خاقان اسبق جستمکان سلطان عبدالحمید خان ثانی حضرتلرینک خلع
مؤسفلرندن صکره سؤاستعمال قیولری آچیلدینی برزمانده کمال تأثرله
شو (ترجیع بند) ی یازمش ومتعاقباً شق ایتک آرزوسنده بولنش
ایکن بعض اخوان کرام ، زمان کلیرده نشر ایدرسکیز . اخطاریله بنی
منع ایتشاردی [۱] .

عجب سلا نیکه می منحصر جهان وطن
حیات فیض وطن ، روح جاودان وطن
بولنیمورمی دکر یرده خادمان وطن
همان اویرده میدر ارض وآسمان وطن
سلا نیک اولدی بتون کائنات شان وطن
جهان بمجل قدرت ، پناه جان وطن
کلیر دواثره مأمورلر سلا نیکدن
یاغار ستانبوله مغرورلر سلا نیکدن
کیدر ممالک مشهورلر سلا نیکدن
چیقار اهاالی به منشورلر سلا نیکدن

سلا نیک اولدی بتون کائنات شان وطن
جهان بمجل قدرت ، پناه جان وطن

[۱] اولوقت ، شیخ الاسلام اسبق عبدالرحمن نسیب افندی مرحوم ایله
برادرلری حاجی صالح افندی شو اخطارده بولنانلردن ایدی . عبدالرحمن نسیب
افندی . حضرتلری بشن آلتی سنه مقدم وفات ایلش ایهده برادرلری حاجی
صالح افندی برحیاتدر .

قيلججه روم ايليني فتح ايدن سلانيكمي
ويانه شهرينه دك تاكيدن سلانيكمي
جهاني وقتي ايله دتره دن سلانيكمي
بهادران قديم وطن سلانيكمي
سلانيك اولدي بتون كائنات شان وطن
جهان مجمل قدرت پناه جان وطن
جهان دكل كورينن ماسوا سلانيكدر
بتون شو كوردوكل ارض وسما سلانيكدر
محيط و مركز خوف ورجا سلانيكدر
نه وارسه دولت و بخت و غنا سلانيكدر
سلانيك اولدي بتون كائنات شان وطن
جهان مجمل قدرت پناه جان وطن
سلانيكه دينلور كائنات قدسيت
سلانيك اولدي حرمكاه تخت جمعيت
اويرده فيض بقا آنده نور علويت
دينلدي كعبه قدسي مكان حریت
سلانيك اولدي بتون كائنات شان وطن
جهان مجمل قدرت پناه جان وطن
يكانه معدن مجدو ذكا سلانيكمي
بتون فريق حضور و صفا سلانيكمي
بتون منابع فيض بقا سلانيكمي
دمير بدنلي صنوف و غنا سلانيكمي
سلانيك اولدي بتون كائنات شان وطن
جهان مجمل قدرت پناه جان وطن
سليم و فاتح عثمانيان سلانيكمي
بتون سلاله شهزادگان سلانيكمي

صقولایر کبی هپ فاتحان سلائیکی
بودنی نشر ایدن اسلامیان سلائیکی
سلائیک اولدی بتون کائنات شان وطن
جهان مجمل قدرت پناه جان وطن

لزوم وارمیدی ایا بودولته قره صو
قارشدی آب مصفای ملته قره صو
بیتبرده خاربلا باغ قدرته قره صو
مساط اولدی عیون بصیرته قره صو
سلائیک اولدی بتون کائنات شان وطن
جهان مجمل قدرت پناه جان وطن

نه یابدیکز مدد ای جاهلان بی اذعان
یازیق دکلی که سلطان حمید کبی خاقان
روای خلع ایدییه او یله بر بیوک سلطان
اوله سلائیک اوسلطان کلبه احزان
سلائیک اولدی بتون کائنات شان وطن
جهان مجمل قدرت پناه جان وطن

سلائیکه اوشه محترم که عزم ایتدی
ممالک ایشه اوکون بزدن ال چکوب کیتدی
سلائیکه، بتون اسلامه هر بلا ایتدی
خطایی برایکی شخص ایتدی شانز بتدی
سلائیک اولدی بتون کائنات شان وطن
جهان مجمل قدرت ، پناه جان وطن

باقک نصل آجی یغمایه اوغراد یلدیز
هجوم حرص اشرایه اوغراد یلدیز
بلای اعظم دنیایه اوغراد یلدیز
یمان فلاکت عظمایه اوغراد یلدیز

سلانیک اولدی بتون کائنات شان وطن

جهان بجهل قدرت ، پناه جان وطن

چو جو قلق ایتیکز مملکتله اوینانمز

حقوق ملت ایله معدتله اوینانمز

حیات سلسله سلطنتله اوینانمز

امور سلطنت و مشورتله اوینانمز

سلانیک اولدی بتون کائنات شان وطن

جهان بجهل قدرت پناه جان وطن

نظرلرنده بتون اهل تجربه نادان

عقول و معرفت اربابی جاهل و حیوان

بتون دماغی بوزوق بی شعور ایمش پیران

ویرلمش اولنره ادراک و حکمت و عرفان

سلانیک اولدی بتون کائنات شان وطن

جهان بجهل قدرت پناه جان وطن

چیقاردی قادرویی بیلمم که هانکی بر ملعون

تلاطم ایتدی اوکون ایشته بحر خون جنون

عفیف کیمسه لک حالی اولدی دیگر کون

سزای حرمت اولانلر ایدلدی زار و زبون

سلانیک اولدی بتون کائنات شان وطن

جهان بجهل قدرت ، پناه جان وطن

ایدر تقاعد اولانلر فغان سوقاقلرده

نه باشد فسلری نه قوندیره ایاقلرده

همان برآه جگر سوز وار دوداقلرده

سلانیک اهلی بتون ذوق و طمطراقلرده

سلانیک اولدی بتون کائنات شان وطن

جهان بجهل قدرت پناه جان وطن

چو جو قلا آج، پدر آج، جدّه والدّه هې آج
عقول حيرت ايچنده بتون جهان محتاج
بش اون اسافله مخصوص غارت وتاراج
بتون جهاني شو الحاقدر ايتديلر اذعاج
سلانيك اولدى بتون كائنات شان وطن
جهان مجمل قدرت پناه جان وطن
ندر بو آتش سوزان خانمان قادرو
بلای اعظم مغدور وعاجزان قادرو
فقير وېي كسه جلاد بي امان قادرو
چور و تدى ثروتنى دولتك يمان قادرو
سلانيك اولدى بتون كائنات شان وطن
جهان مجمل قدرت حيات جان وطن
ياقوب كل ايلدى چوق خاندانى تنسيقات
سيلوب سوپوردى بتون بيكسانى تنسيقات
چيقاردى خارجه هې صادقانى تنسيقات
عفيف وكامل اولان ضابطانى تنسيقات
سلانيك اولدى بتون كائنات شان وطن
جهان مجمل قدرت حيات جان وطن
ادانى واصل اولورسه مراده بويله اولور
مسلط اولسه اسافل بلاد بويله اولور
دوشرسه فرصت اكر بدفؤاده بويله اولور
اداره ، تجربه سز اشقياده بويله اولور
سلانيك اولدى بتون كائنات شان وطن
جهان مجمل قدرت حيات جان وطن
حيت اهلى كامللرى بكنمزلر
رفاه ملته مائللرى بكنمزلر

مداهن اولملي فاضللىرى بكنمزلر
منافق اولملي عادللىرى بكنمزلر
سلانيك اولدى بتون كائنات شان وطن

جهان مجمل قدرت حيات جان وطن

فرنك و ترك و عرب ارنؤد قرداشدر
اولاح و روم و عجمه يهود قرداشدر
اومت بشر دينان هر وجود قرداشدر
اداره ايتملى يوقسه نه سود قرداشدر
سلانيك اولدى بتون كائنات شان وطن

جهان مجمل قدرت پناه جان وطن

ريا طييعتمزدر يالان صفامزدر
كلام حقدده سكوپ ايلك غدامزدر
فقير و بيكسى صويمق بيوك ذكامزدر
بتون فضيلتمز جهل وارتمامزدر
سلانيك اولدى بتون كائنات شان وطن
جهان مجمل قدرت پناه جان وطن

غريب حالار ايله اغتشاشى آرتيررز
يازق كه كوزدن آقان قانلى ياشلى آرتيررز
باتار ممالككمز بز معاشى آرتيررز
صفای مشربى، ذوق فراشى آرتيررز
سلانيك اولدى بتون كائنات شان وطن
جهان مجمل قدرت پناه جان وطن
(مابعدى وار)